



DEMOKRATSKA FRONTA

Klub zastupnika Demokratske fronte u Skupštini Kantona Sarajevo

Zastupnik: Senad Hasanović

Broj: /18

U Sarajevu, 23.01.2019. godine

BOSNA I HERCEGOVINA

FEDERACIJA BOSNA I HERCEGOVINA

KANTON SARAJEVO

SKUPŠTINA KANTONA SARAJEVO

VLADA KANTONA SARAJEVO

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) prema Skupštini Kantona Sarajevo:

Podnosim inicijativu za podizanje spomen obilježja „Vijećnicima ZAVNOBiH-a“ na Trgu Bosne i Hercegovine u Sarajevu.

Polazeći od nemjerljivog značaja zasjedanja Zemljskog antifašističkog vijeća Bosne i Hercegovine, čijim odlukama su udareni temelji moderne bosanskohercegovačke državnosti.

U želji da unaprijedimo i afirmišemo značaj svih akata, koji su proizašli iz rada najvišeg predstavničkog tijela Bosne i Hercegovine tokom antifašističke borbe - ZAVNOBiH-a.

Podnosimo inicijativu da se na prostoru Trga Bosne i Hercegovine, koji se nalazi u općini Centar Sarajevo podigne spomen obilježje svim vijećnicima ZAVNOBiH-a.

Na način da se izgradi spomenik kulture sjećanja, sa primjerenom simbolikom i uklesanim imenima svih vjećnika.

OBRAZLOŽENJE:

Incijativa je rukovođena namjerom da se afirmiše svijest građana, kako Kantona Sarajevo tako i Bosne i Hercegovine u cjelini, o potrebi trajnog obilježavanja značaja djela i odluka ZAVNOBiH-a. Prvenstveno poštujući vijećnike koji su učestvovali u radu i donošenju odluka ZAVNOBiH-a koji su se u najtežem periodu svjetske historije izborili da slobodno odlučuju o sudbini svoje zemlje i donesu ključne odluke o obnovi Državnosti Bosne i Hercegovine, ravnopravnom položaju Bosne i Hercegovine u okvirima jugoslavenske federacije, proglašenju Deklaracije o pravima građana Bosne i Hercegovine i odluke o konstituisanju Narodne Skupštine i Vlade Bosne i Hercegovine. Odluka na temelju kojih je Bosna i Hercegovina kao država ostvarila nezavisnost i puno međunarodno priznanje 1992. godine.

Nažalost, obilježavanje Dana državnosti Bosne i Hercegovine i godišnjica zasjedanja ZAVNOBiH-a, često prati površna prezentacija historijskih potvrđenih činjenica, selektivan pristup medija i zaboravljanje najzaslužnijih ljudi i ličnosti iz perioda narodnoslobodilačke i antifašističke borbe tokom Drugog svjetskog rata.

Moramo konstatovati da još ne postoji dovoljno svijesti da se bez političkih i ideoloških primisli odnosimo prema nosiocima antifašizma i narodnooslobodilačkog pokreta.

Svedoci smo da su u nedavnoj prošlosti ukinute brojne ulice koje su nosile ime po vijećnicima ZAVNOBiH-a, kao npr. ulice Pavla Goranina, dr. Vojislava Kecmanovića, Pere Kosorića, Veljka Lukića-Kurjaka, Josipa Mažara Šoše, Gruje Novakovića, Đure Pucara Starog ili Slavka Rodića.

Porazna je i činjenica da na području Kantona Sarajevo ne postoje ulice i trgovi nazvane po vijećnicima ZAVNOBiH-a i istaknutim bosanskohercegovačkim kulturnim, političkim i društvenim radnicima, kao što su Branko Ćopić, Cvjetin Mijatović, prof. Enver Redžić, Krstan Bijeljac, Rodoljub Čolaković, Oskar Danon i drugi.

Također i postojeći nazivi ulica koje nose ime po vijećnicima ZAVNOBiH-a, odnose se na uglavnom sporedne ulice, poput ulica Hasana Brkića, Skendera Kulenovića, Vase Butozana, Rate Dugonjića, Avde Hume, Sulejmana Filipovića itd.

Navedeni trendovi nas jasno upućuju na površno shvatanje značaja odluka ZAVNOBiH-a i olako zaboravljanja direktnih učesnika - vijećnika.

Mi ne možemo i ne smijemo zaboraviti vijećnike ZAVNOBiH-a, njihovo zalaganje i žrtvu za slobodu i jednakost, jer druge ljude u antifašističkoj borbi na tlu Bosne i Hercegovine nismo ni imali.

Bez jasnog i jednoglasnog opredjeljenja svih vijećnika ZAVNOBiH-a teško da bi Bosna i Hercegovina mogla osigurati ravnopravan položaj unutar jugoslavenske državne zajednice.

Bez kog iskreni da budemo, Bosna i Hercegovina teško da bi ostvarila najznačajniji civilizacijski napredak u periodu socijalističke izgradnje.


Zastupnik u Skupštini Kantona Sarajevo
Senad Hasanović